

已丑貴州安南衛地連震有聲

九月辛巳朔夜大星自天倉流至近濁

壬午復山東布政司右叅政勸農兼水利

戊子暹羅國人有舟飄至瓊州歸之

福州地震

壬辰魯府東阿王泰樹薨年七十九謚瑞懿

癸巳辰哇國王不刺各得那眉入貢舟覆百餘人惟金葉表

存市船司太監王宣箚請別遣人齎進從之

甲午潮州暴風壞城舍人畜貴州安南衛地震累日凡十

有二震

戊戌兗州地震聲如雷

南京太常寺卿鄭紀上 東宮聖功圖飾以金碧將覬宮僚

君子耻之

山陽贛榆地震有聲海州累日九震

戊戌寧王覲鈞乞調南昌左衛仍護衛不許

已亥占城國王古來入貢


辛丑設廣東龍門縣隸廣州

壬寅卜數犯遼東開原

國權

弘治八年

十四



左副都御史劉大夏言運河之水全藉太山諸泉每歲夏秋  
蓄蓄南旺旱則因以濟運比年豪民往來決隄泄水圖裁時  
之利否則阻遏泉源私引漑浸先年白侍郎昂奏請禁治而  
運河甚利便今請如故事報可

肅州衛天鳴

癸卯左副都御史劉大夏為戶部右侍郎

卜犯遼東開原

甲辰夜月犯御女星

乙巳少詹事謝遷服闋入京進詹事仍直內閣

丙午兵部尚書馬文升言風俗日澆請脩舉社學從之

觀城鄆城壽張范縣各地地震濮州地連震如雷

丁未裁淮安揚州莞河通判

戊申兵部左侍郎李介脩潮河川城疾甚改右侍郎王宗彛


十月庚戌朔遼東廣寧衛地震如雷

甲寅戶部右侍郎侶鍾改吏部右侍郎

戊午南京工部右侍郎樊瑩為左副都御史巡撫湖廣兼管

理軍務

夜大星自叅宿流至弧夫



己未總督兩廣右都御史唐珣卒華亭人天順丁丑進士知合州有能聲遷南京刑部郎中知福州有偽閹橫甚珣壁入于浴室伺寔寘諸法累進總督廣人悼之

辛酉庶吉士顧清沈壽吳一鵬周玉黃瀾為編修趙士賢楊昇王績任良弼為給事中蕭柯曹瓊陳玉為御史

南京地震

丙子宣府順聖川地震戊寅止

丁丑占城國王古來訖安南侵掠乞上欲遣官諭安南大學士徐溥等言王者不治夷狄降勅遣官彼豈遽悔或飾過執

迷使臣無以復命置而不問則損威若問罪興師後患更大上納之遂令兩廣守臣檄安南務敦和好


十一月庚辰朔署宗人府駙馬都尉周璟卒安陽人尚重慶公主博雅好詩文尤善書聲稱藉甚公主事姑章以賢孝聞近代所無有也

壬午南京右衛府都督僉事楊昇卒

甲申禮部尚書倪岳等以災異修省會奏三十二事仰法

聖祖早朝俛接群臣使殿議處宗室祿費暫停工役慎重武

備停止織造停減齋醮減收糧斛監收皮張清查馬匹添支



糧餉收錄忠裔災傷馬匹減造文冊審清刑獄清查匠役擅  
科軍士清除吏弊量完拘繫懲戒邪慝禁草科斂寬宥逃罪  
上納之

乙酉增慶陽筦糧通判

晉府寧化王鍾鈔克殘有罪廢為庶人錮鳳陽妃武氏奪封

壬辰戶部左侍郎吳原卒漳浦人天順八年進士

貴州安南衛地連震如雷

癸巳停江西湖廣山東供應牲口十分之三

甲午前南京太常寺卿翟瑛卒洛陽人成化二年進士

乙未傳制見滹順昌王見洵崇安王討淳濟源王秉機臨封

潼王

戊戌岷州衛百戶呂瑛等樵塞外番人射死守備西固城指

揮喬永擊斬五級

乙亥曉刻月犯軒轅左星陝西金州洵陽地震如雷

壬寅卜犯寧遠麻溝山

丙午作壽邸于保寧


己酉旱災免順德真定大名廣平河間田租

暫停內府工役

國權

弘治八年

七



曉刻木星犯氐宿

巡撫甘肅右僉都御史搃兵官許進左都督劉寧副搃兵彭  
清以三千騎出嘉峪關倍道旬日抵哈密番將牙木蘭聞之  
乘善馬逸去官軍夜炊城而登斬餘黨六十級降八百人獲  
陝巴妻女還師初議徑罕東大雪迷失道遂由常程罕東兵  
不至牙木蘭極机警能挽六石弩夜宿數徙善為日行七百  
里越宿至土魯番阿黑麻欲追我師牙木蘭難之乃已  
十二月壬子戶部右侍郎張鼎卒咸寧人成化二年進士  
癸丑戶部右侍郎劉大夏為左侍郎巡撫河南右副都御史

韓文為戶部右侍郎

昏刻火星犯壘壁陣

甲寅大學士徐溥等以諭改三清樂章乃道家邪妄之說况  
鄙褻詞曲尤所不習上納之

卜犯義州清河堡

丙辰昏刻月掩土星


丁巳秦府永壽王誠淋薨年三十四謚莊僖

戊午昏刻土星犯壘壁陣夜月犯外屏星

廣西卜犯宣府龍門所

國權 弘治八年

六



辛酉陝西左布政使陳道為右副都御史巡撫河南

流盜破桂陽縣

昏刻月犯畢宿左星

壬戌前南京兵部尚書薛遠卒瑱山人正統七年進士授戶

部主事歷郎中督大同軍儲天順六年使安南還擢右侍郎

塞決河遷左侍郎至尚書總督京儲致仕起南京兵部人不

能無議云年八十二予祭墓

陝西靖下衛天鳴

丙寅流盜江西會昌轉掠雩都瑞金興國安遠等縣

丁卯廣西徭寇平樂昭平堡

戊辰作榆林城

曉刻月犯右執法星

己巳下寇遼東鉄嶺城

庚午修潮河川閘隘

辛未南京右都御史鄧廷瓚總督兩廣軍務兼巡撫


甲戌下入古北口

乙亥施瓚嗣懷柔伯

右府署都督無事奚勇卒

國權 弘治八年

九



丙子長沙大雷雨  
丁丑南昌及彭水縣大雷電折巨木

國權

鹽官設遷孺木著

弘治九年丙辰

正月癸未傳陞太常寺丞白自雲為少卿

甲申晉周府永寧王同鈞薨年五十謚莊和

乙酉夜月犯外屏西星

己丑承運庫太監龍綬等請長蘆鹽二萬八千引供織造戶


部執爭遂每引增直二錢

壬辰 上南郊

國權

弘治九年

國家圖書館, NATIONAL CENTRAL LIBRARY, TAIWAN, R.O.C.



癸巳蒲州地震

甲午夜月犯軒轅左星

乙未卯刻南京金星晝見

丁酉大計降斥千一百三十四人雜職千二百二十一人

戊戌太子太保吏部尚書耿裕卒字好問盧氏人景泰甲戌進士授戶科給事中天順初忤旨謫泗州判官改定州成化

初復檢討歷祭酒吏部左右侍郎尚書中蜚語改南禮部弘治初改南兵部入禮部善議論多識典故坦易率直不殖產

有父尚書九疇風所著墨閣紀聞藏于家贈太保謚文恪

庚子曉刻月犯西咸星蓋州衛地震陝西金州天鳴

甲辰水災免應天常鎮去年夏麥八萬七千八百餘石

戊申科道拾遺非不謹貪酷者俱留

旱灾免太原平陽澤潞去年夏麥十二萬五千二百餘石

昏刻火星自文昌流南方二小星隨之散聲如雷

二月己酉朔右都御史屠滹為吏部尚書


先是巡撫湖廣右副都御史徐恪傳陞南京工部右侍郎以不由廷推辭不允

辰刻金星見

國權

弘治九年

二





辛亥癸刻木星見

甲寅旱災免順德去年夏麥

乙卯詹事兼翰林侍讀學士謝遷侍讀學士王鏊主禮闈

金州地震

丙辰夜月犯天高星

丁巳鄖陽大寧各地震

戊午周府臨汝王季博薨年五十謚端懿

太師兼太子太師保國公朱永辛字景昌父謙撫寧伯成化

初平荆襄盜進侯後征建州賊伏當加進保國公征下亦思

馬因公爵給誥券器宇弘深治兵嚴肅弟功多矯飾追封永

宣平王謚武襄以同謙謚改武毅

曉刻金星犯羅堰上星

壬戌薊州及遵化地再震如雷

癸亥曉刻月犯右執法星

丙寅寧府鍾陵王觀錐有罪草歲祿三之一

巳巳遼東盖州衛地震


庚午水災免開封彰德衛輝懷慶汝寧去年田租有差

壬申夜京師及涑水縣地震

國權

弘治九年

三



癸酉 皇次子厚熹薨追封蔚王

宣府隆慶衛地震

甲戌水災免徐州去年田租

英國公張懋提督團營

乙亥昏刻南京壽星見

戊寅定西侯蔣驥總兵鎮守薊州

三月己卯朔四川長寧民家楠樹生蓮華李樹生荳英

辛巳晉府義寧王竒洪薨年四十七謚榮康

壬午廣西盜二千餘人流劫廣東信宜縣敗官軍

甲申南京守備太子太傅成國公朱儀卒儀廉靜持重南人

初議其非治劇才久而安之至是兵民巷哭相望年七十贈

太師謚莊簡

乙酉卜 犯大同

己丑昏刻月犯軒轅左星

庚寅夜木星自二月來守氏宿

癸巳廷策貢士陳瀾等三百人賜朱希周王瓚陳瀾等進士


及第出身有差


丙申夜月犯東咸星

國權

弘治九年

四





巳亥 皇太子冠于文華殿

辛丑左府都督同知白金卒以舍人侍 英宗北狩累立功

至今官

卜入黃花鎮

甲辰卜入宣府永寧

丙午葬蔚州

丁未進士張宣為南京戶科給事中

閏三月戊申朔 皇太子始御文華殿受朝

卜犯薊州

巳酉卜犯遼東、川堡

選庶吉士顧潛陳鳳梧濮韶陳咨胡獻張紹齡華景陳霽戴

銑陶諧劉瑞少詹事兼侍讀學士張昇侍讀學士王鏊教習

江西贛縣地震

壬子旌西寧侯宋誠妾朱氏氏適誠未至先卒氏年十七臨

喪矢節三十九年

乙卯南京左府都督僉事殷潤卒

丙戌旱災免陝西田租

丁巳日本入貢

國權

弘治九年

五

夜月犯上将星

戊午魏國公徐偁守備南京

己未平涼隕星如月天鼓鳴

癸亥夜月犯罰星

乙丑工部員外郎海寧祝萃致仕

寧夏地震

夜月犯南斗杓星

丁卯起王越左都御史

辛未秦府宜川王誠灌薨年二十八謚康僖

京師及永平衛地震

乙亥右副都御史翟瑄為南京右都御史

前直文華殿大理寺卿朱奎卒華亭人父孔陽善書官順天

府丞奎幼補國子生授中書舍人累今官予祭葬

丙子南京兵部尚書侯瓚改南京工部尚書

四月庚辰左僉都御史楊謚為左副都御史巡撫貴州左副都

御史王軾改大理寺卿


太子少保戶部尚書葉淇致仕

甘肅地震

國權

弘治九年

六



辛巳榆次縣隕霜殺禾

壬午南京木星晝見

甲申南京吏部尚書張悅改南京兵部尚書

南京國子祭酒羅璟致仕

丙戌琉球入貢

丁亥太僕寺卿彭禮為工部右侍郎仍理易州山廠

卜犯大同平卜衛數入宣府雲州等堡殺掠

妖僧張金峰至陝西朝邑符水惑眾走終南山謀亂巡撫張敷華授計父老捕誅之

戊子吏部左侍郎周經為戶部尚書貴州左布政使張廉為

右副都御史巡撫貴州巡撫宣府右僉都御史陳紀回院

右春坊右諭德署國子司業劉震為南京國子祭酒

逮武岡知州劉遜岷王膺鉅訐其不法也給事中龐泮等御


史劉紳等言岷王以遲祿罪遜且株証數百人但下撫按查

勘則曲直自不能掩忤旨悉下科道官六十二人獄

己丑禮部尚倪岳改南京吏部尚書進太子少保

庚寅尚寶司及中書舍人署六科事

卜再入薊州燕河營



辛卯南京地震

甲午翰林侍讀學士王鏊左春坊左諭德侍讀楊廷和侍講  
張天瑞改左右中允脩撰費宏楊時暢改左右贊善編脩吳  
儀靳貴俱兼校書左寺副周文通右侍副劉榮俱兼正字少  
詹事兼侍講學士張昇右諭德王華洗馬楊傑仍舊職供事  
乙未府部九卿請釋科道官從之各罰俸三月  
南京刑部尚書閔珪改左都御史禮部左侍郎徐瓊為尚書  
吏禮部右侍郎侶鍾傳瀚俱左侍郎大理寺左少卿馬中錫  
為右副都御史巡撫宣府


丙申南京禮科給事中彭城等言舊額僧道郡四十人州三十人縣二十人縣天下不過三萬六千餘人成化二年度僧道十三萬二千二百餘人十二年度萬三千三百餘人二十年度二萬四千五百餘人前此又不知几何今不豫禁為患非細章下所司

丁酉侍講黃珣為右春坊右諭德署國子司業

己亥刑部左侍郎戴珊為南京刑部尚書少詹事張昇祭酒

林瀚俱為禮部右侍郎瀚仍兼祭酒

庚子巡按直隸御史鄧璋言高郵湖隄易磚以石庶堅完省



費從之

壬寅陳勳嗣武平伯

甲辰刑部右侍郎謝綬為左侍郎右副都御史屠勳為刑部右侍郎

五月丁未朔蝗災免青州去年田租

庚戌晉府襄陰王奇澠薨年三十八謚安惠

陝西左布政司張淮為右副都御史整飭薊州邊備兼巡撫順天

辛亥編脩白紙為侍讀

丙辰京師雨雹

戊午昏刻月犯東咸星

己未北下入京請三千人至京詔許千人尋請回兵襲瓦剌至秋乃貢勅邊臣嚴備平江伯陳銳選團營三千人

辛酉武鄉縣冰雹壞人畜

乙丑遼東、川堡地震


戊辰巡撫湖廣右副都御史馬馴卒長洲人正年十年進士寧夏地震

庚午卜入宣府馬營堡

國權

弘治九年

九



辛未卜入遼東三山營

壬申夜月犯畢宿

六月戊寅南京工部尚書馮貫致仕

己卯宣府鎮南口墩驟風雨龍出刀鞘內丁亥復大雷雨

辛巳編修李旻為左春坊左諭德

卜犯大同石門墩

廣寧前屯衛指揮僉事張禮修邊于陸洲河忽下百餘騎起

葦泊間官軍失利

甲申巡撫寧夏右副都御史孫仁致仕

乙酉代府棗強王成舒薨年三十七謚安靖

癸未月犯建星


己丑太僕寺少卿張禎叔為右僉都御史巡撫寧夏

庚寅山陰蕭山大雨山崩水溢漂廬舍二千楹死三百餘人  
事聞免其徭賑之

辛卯限度僧道京師八千人南京五千人各省補送原額仍  
試而收之

壬辰夜月犯壘壁陣東星

丙申前巡撫鄖陽右副都御史王道卒蠡縣人天順元年進士





是月大飭京營舊制

兵部尚書馬文升言營軍械朽鈍其浙省福建諸匠作不如  
法宜勅工部覈內官見藏之數可用或否令兵杖局制為成  
式下諸司舊造長槍署折斬馬刀二更團牌為長牌弓矢則  
如宣德正統間製法毋復苟且塞責糜費資財有司不賢責  
不勝任者奏貶秩從之

晚刻月犯外屏東星

丁酉右少監楊友鎮守貴州

己亥林世遠曹玉劉堯邢纓何琮王憲王術監章李咨車梁

戈福金洪王約吳學石祿為試御史

庚子旱災免江南昌去年田租五十萬八千石有奇

辛丑致仕吏部尚書尹直表賀 萬壽并上 皇太子承華

殿箴以獻諫希思卻之

壬寅寧府宜春王奠培薨年六十一謚宣和


甲寅朱暉嗣保國公止一輩子孫仍襲撫寧侯初暉求嗣公  
爵兵科給事中王廷言永功非開國不當世廷議永遠東功  
尚在勘遂有是命

大學士徐溥等以 上視朝漸宴侍衛困憊卸甲高臥朝貢

國權

弘治九年

十一



外夷不無輕視朝廷 上納之

七月庚戌巡撫四川右副都御史馮俊卒宜山人天順四年進士  
辛亥前刑部尚書杜銘卒金堂人正統乙丑進士授刑部主  
事歷官四十餘年所至殫力鮮有過舉年七十八賜祭葬  
甲寅官鬻山東長蘆二運司監

乙卯檢討陳端進士王用才為汝府左右長史

卜犯宣府柴溝堡

已未錄克復哈密功總兵右都督劉寧為左都督巡撫左僉  
都御史許進為右副都御史右少監沈讓為左少監副總兵

都指揮僉事彭清為都指揮使餘各有差

曉刺金星犯軒轅

壬戌晉府雲邱王鍾鋌薨年五十三謚端惠


癸亥工部尚書劉璋致仕

乙丑應天府尹冀綺劾免

戊辰卜數入宣府雲川堡總兵莊鑑副總兵阮興戰于龍王  
堂斬七十餘級獲人畜甚眾時鑑興俱以謀勇稱

已巳應天府丞高啟為府尹

辛未戶部右侍郎黃傑致仕壬申卒涪川人成化二年進士



禁王府官管河泊

八月乙亥工部左侍郎徐貫為尚書

丁丑南京兵部右侍郎王繼為戶部左侍郎提督倉場

庚辰以日本貢使殺人于濟寧命自後止許五十人入京

辛巳夜南京壽星見

壬午工部右侍郎曾鑑為左侍郎巡撫保定右副都御史史琳為工部右侍郎巡撫陝西右副都御史張敷華為南京兵部右侍郎

丁亥巡撫甘肅右副都御史許進改陝西


黑熊上西直門傷人不能獲兵部郎中何孟春曰熊之為兆既當備盜亦宜備火或問曰宋紹興己酉永嘉災後數日有熊至城下州守高世則謂其倖趙允緇曰熊於字熊能火城中宜慎火果延燒官民舍十之七八予憶此事而云耳  
裁廣西游擊將軍

辛卯河南山東左布政使高銓吳珉為右副都御史銓巡撫保定兼提督紫荆等關珉巡撫甘肅

壬辰入宣府雲川堡龍門衛

夜月犯天囷西星

國權 弘治九年



丙申卜數寇莊浪衛永昌涼州

已亥工部主事王鉉堯遵化鉄冶言囚罪不死而官司虐之多斃請月給口糧三斗從之

先是雲南廣南衛卒譁捶巡撫右都副御史張誥門走金山至是擒誅十三人

庚子夜月犯軒轅左星

辛丑湖廣左布政使鍾蕃為右副都御史巡撫四川

卜百餘騎突入宣府之獨石攻鎮攻寧墩

壬寅遼東鳳凰城天鼓鳴

九月丙午前南京工部尚書馮貫卒蠡縣天順八年進士

巳酉戒諭勲戚侵奪閩津橋梁水陂市販之利

大理寺卿王霽卒上海人天順四年進士性和厚少怨

夜月犯南斗杓西星


庚戌代府廣靈王仕滋薨年六十九謚莊裕

鎮守雲南征南將軍太子太傅黔國公沐琮卒成化元年嗣

兄爵性勤慎公餘不入私室日冠帶苞直絕跡留心屯田水

利屢勦麗江劍川順寧羅雄叛夷贈太師謚武僖亡子故右

叅將錦衣衛都指揮誠之子崑嗣



昏刻月犯建星

壬子慶遠天河縣增設永安長官司

甲寅夜月犯壘壁陣四星

乙卯肅州衛天鼓鳴

庚申卜犯宣府柴溝堡再犯密雲古北口

辛酉曉刻月犯畢宿

乙丑湖廣按察使林俊予告南京大理寺卿章格致仕

丙寅宣府隆慶衛地震

丁卯夜月犯軒轅木星

己巳曉刻月犯靈臺上星

癸酉宣府萬全都司地震有聲

是月衡州天雨物如麥

十月丙子汶川威州各地震


丁丑禮科右給事中胡瑞以三年例遣祭海瀆岳鎮例神樂

觀樂舞生請改遣見任官或辦事進士太常寺卿崔志端鴻

臚寺卿賈斌宜斥不聽

戊寅卜自大同天城衛潛犯宣府西陽堡

己卯署錦衣衛鎮撫司指揮僉事韓璟卒璟任中後所副千



戶超典詔獄頗能自守不怙權勢歿無餘貲

前太子少保禮部尚書彭華卒安福人景泰五年進士授編  
修歷詹事吏部左侍郎直閣少著才名文筆嚴整又議險譎  
機深陰排滕已喉羅倫論李賢喉蕭彥莊傾李秉厚大學士  
萬安附李孜直者鄧常恩藉以酬恩怨劉珣王恕馬文升秦  
紘劉宣羅璟輩之譴去皆其謀也直閣出自奧援謠曰八百  
憲臺陞李裕三千館閣薦彭華至今愧之俱出焦芳筆年六  
十五贈太子少傅謚文思

王世貞曰焦以尹龍事出謫桂陽云出華意故怨之刻骨

而謗詈甚口若此華雖由李孜省薦生平之與尹直俱在  
是非間不應至此


昏刻月犯牛宿

辛巳復設雷廉高肇兵備副使

甲申巡撫湖廣左副都御史樊瑩致仕

進士范兆祥為檢討直涇王

前南京戶部尚書潘榮卒龍溪人正統十三年進士授吏科  
給事中言路殆二十年歷南京太常少卿戶部右侍郎右副  
都御史其守不變贈太子少保賜祭葬



甲申南京地震

乙酉陝西禮縣地震如雷

丙戌南京右僉都御史楊守隨為南京大理寺卿  
增開封管河通判

丁亥裁慶遠忻府城流官知縣

夜月犯天囷星

辛卯巡撫山東左僉都御史顧佐還南院撫治鄖陽右副都  
御史沈暉巡撫湖廣兼理軍務

乙未賑瀘州及新津諸縣水災

戊戌河溢中牟蘭陽儀封考城折徵田租

己亥廣東左布政使黎福為右副都御史撫治鄖陽

庚子巡撫大同右僉都御史侯恂改山西

南京戶部左侍郎李益致仕

壬寅初邊警命平江伯陳銳練團營萬騎聽征至是改新寧  
伯譚祐練習


癸卯進亳縣為州

十一月甲辰朔南京太常寺卿鄭紀為南京戶部右侍郎陝西  
布政使左叅政劉璈為右僉都御史巡撫大同

國權

弘治九年

十七



庚戌卜入宣府四海治

癸丑夜月犯外屏西星

丙辰右府都督僉事楊義卒

夜月犯畢宿

辛酉湖廣右布政使陶曾為左布政兼按察副使管廣東嶺

西道

乙丑傳制封當浮新蔡王聰冷寧津王寵潤枝江王祐鵠都

昌王

晉府慶城王鍾鑑薨年六十三有子四十四謚溫穆

丁卯卜入寧夏廣武營

十二月己卯刑科給事中楊廉請錄故禮部左侍郎薛瑄文集  
下坊刻賜祠曰正學


甲申夜月犯天高星

乙酉朱輔嗣成國公 朱儀子

丙戌冊德清長公主駙馬都尉林岳尚之

定襄伯郭嵩子指揮使參求爵吏部以從祖郭登封伯亡子  
兄子嵩得襲出特恩今例難再襲遂世錦衣指揮使

戊子夜月食既






已丑祠伏羗伯毛忠于甘州曰武勇

夜月犯軒轅火星犯鈞鈴

丙午補造選官印印各官名上

丁酉刑部典史徐珪請草東廠除名初彭城衛千戶吳能女  
潘倉兒付張媪鬻之入樂婦張氏轉售袁璘為娼能妻聶氏  
覓女怨其鬻也不母遂攘之以歸致訟刑部郎中丁哲員  
外郎王爵歸女聶氏筮袁璘數日死璘妻訴于東廠太監楊  
鵬逮聶氏及張媪訊之媪妄謂女妹生于臨清者女亦云然  
鵬奏哲等罪命法司確讞且廷訊俱偏坐哲等徐珪言哲讞

允當而楊鵬之姪嘗私此女密告女婢異詞拷聶氏使誣伏  
妄稱刑官偏酷鎮撫司互相蒙蔽法司畏東廠始終莫敢辨  
此女誣母罪不容誅而僅擬杖哲等被誣加以徒輕重倒  
置東廠之勢如此臣在部三年每見鞫盜多獲自東廠鎮撫  
司或稱校尉仇陷或稱校尉受贓縱得真情孰敢擅更隻字  
以哲事觀之竊為昔年枉者嗟嘆不已臣願 陛下草東廠  
膠楊鵬如不草東廠則擇厚中官如陳寬常泰仍選一人 謹  
臣共事其鎮撫司理刑不專錦衣衛乞選京衛一二人及刑  
部主事共事 上怒下臺獄滿倉兒杖訖入浣衣局丁哲削



籍

已亥曉刻月犯建星

國權

弘治十年丁巳

正月庚戌 上南郊

辛亥昏刻月犯畢宿

壬子大星隕寧夏中衛天鳴又鄜州星流天鳴

乙卯曉刻南京木星晝見

夜月犯鬼宿


丙辰曉刻火星犯木星

國權

弘治十年

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



戊午真定太原地震屯留尤甚屋瓦多傾

甲子金星晝見

乙丑戴乾為試監察御史

尚膳監奉御趙瑄獻閑田為東宮庄戶部執論下鎮撫獄

巡撫高銓按獻縣雄縣等閑田止七十餘頃餘皆民業罪瑄

福建流盜劫寧都縣

戊辰榆林寧夏地震

己巳設太倉州領崇明縣

辛未高州地震有聲

二月癸酉朔鎮守宣府總兵官右都督馬儀劾免

停官軍採青給民佃種徵租

甲戌大學士徐溥等請勤講親政并絕齋醮修煉之說從之

時太監李廣假修煉服食中外憂之故溥等言金石性酷烈


唐憲宗藥發致疾雖杖殺方士柳泌奚益今上清龍虎宮神

樂祖師殿番經殿皆火神如有靈何不自保願陛下嚴早

朝之節復奏事之規勤講學之功優接下之禮遠邪佞而斥

誣妄太平可幾也 上是之

戊寅考察朝臣兩京堂上官免自陳翰林院講讀學士免考



宣府副總兵都指揮同知阮興為署都督僉事總兵官鎮守

宣府

夜江西新城縣冰雹

甲申靜寧州隆德華亭縣地震

乙酉南京金星晝見夜月犯靈臺上星

丁亥陝西鎮番衛地震如雷

己丑昏刻金星犯天陰星

庚寅巡撫鳳右副都御史李蕙以致仕六安知安羅山劉陽

鎡積穀十萬餘石宜旌異特進階奉政大夫

壬辰寧府弋陽王觀鏢薨年四十五謚僖順

茂州地震

癸巳旱災免大同去年田租

丙申河南修武縣黑氣墜地化為石

辛丑威州地震

三月丁未夜月犯司怪星

戊申勅閣臣纂脩會典


楊質嗣彰武伯 楊瑾子

巳酉雨土

國權

弘治十年

三



辛亥災異諭脩省

壬子甘肅總兵官左都督劉寧疾去副總兵都指揮使彭清  
為都督僉事總兵官鎮守甘肅

卜數入甘肅

癸丑水旱免鳳陽淮安揚州滁去年田租有差

戊午安南入貢

己未戶部辦事進士孫磐請建言諸臣分四等彈劾權貴補  
拾闕遺建白時政粉飾文具第其上下為遷格報寢

辛酉土魯番復攻哈密不克

壬戌哈密人以傷殘盡焚其居詣肅州求濟命給牛羊穀種

癸亥繫內官何鼎進太監楊鵬戴義司禮監刑科都給事中


龐泮御史黃山等言鼎素著狂直宜賜優容鵬行事乖違義  
得罪先朝宜斥免上曰內事爾等何與聞切責之各停

俸六月時外戚張氏驕寵甚鶴齡延齡出入宮禁無忌上

嘗飲之起如廁除冠戲尚冠者又倚酒汚宮人鼎心忿之一

日舉窺御帷鼎持大氅箠之皇后聞而怒頃之鼎極言

祖宗法度外人不得妄入宮禁近外戚觀燈禁城無所忌畏  
事在必懲且言上若用臣必有以報下錦衣掠治究所主



日主者二人但不可執而按之耳日姑言曰一姓孔一姓孟  
甲子經筵畢召大學士徐溥等面議章奏裁答或更定或刪  
句山西巡撫疏欲逮副總兵溥等曰此事輕止逮都指揮以  
下可也 上然之餘皆應手疾書召問始于此  
丁卯禮部主事李昆疏救何鼎報聞

北通州大冰雹

庚午增貴州黃平普市二千戶所

新脩鹵簿大駕成

四月乙亥晉世子奇源薨年四十八謚靖和弘治癸亥追封晉

王 代府靈邱王成鈺薨年四十一謚莊和

丙子太子少保吏部尚書屠滂滿九年考進太子太保

己卯雍王婚吳氏

庚辰南京考察吏部郎中莊景等罷謫有差


癸未戶部尚書周經等申救何鼎不聽太監李廣竟迎 中


宮意杖鼎死之後于禁中曳銅缸作聲若稱寃者 上亦感

悟特命勒碑以祭

丙戌霜災免太原平陽田租有差

丁亥禮科左給事中葉紳等上八事御經筵遵初政禁傳奉





太監李廣傳陞千戶王英指揮等

斥異端李廣修煉符籙息工役遵祖訓黜不職去

大奸太監李廣大罪有八報聞

戊子王璟王經王啟蕭淵任漢羅列杜啟邱經趙俊李嶽為南京御史

昏刺南京見大星自軫宿流入西北二小星隨之

已丑卜入大同雲川衛

戊戌雷傾宣府西橫嶺三十餘丈

辛丑星隕大同陽和衛又火星隕阜平

五月癸卯檢討范兆祥言君后分主陰陽引紀伯姬叔姬事以

諷 上怒下錦衣獄贖杖還職

丁未安南貢使黎峻卒會同館賜祭歸其喪

已酉唐府新野王彌錫薨年四十五謚宣懿

庚戌大學士徐溥乞休命風雨大寒暑免朝

甲寅夜月犯東咸星

己未錦衣衛指揮使劉良卒

辛酉南京國子祭酒李傑服除改太常寺少卿兼翰林侍讀

學士

癸亥熊懷服除仍南京刑部右侍郎

丁卯庶吉士汪俊為編修

曉刻月犯天廩星

戊辰曲靖衛知事李晟為都察院照磨從總兵神英贊畫

卜寇潮河川把總指揮王玉等禦之追至泉水灣中伏玉僅

免指揮劉欽等死之

卜廵大同命平江伯陳銳總兵太監楊穆監督莊鑑馬升為

左右叅將往征

庚午山西清源縣地震如雷

六月辛未南京吏部尚書倪岳上脩省二十事法 祖宗謹好

尚併差遣恤軍民罷工作選武將嚴標江防要害減添設積

邊儲整邊倫均吏役處軍糧禁奸弊定輸納省淹禁寬貧困

清軍丁審營繕廣言路 上從之

甲戌宣府懷來衛地震

乙亥海豐縣地震如雷累日止

丙子金星晝見

己卯戶部左侍郎劉大夏兵部左侍郎李介俱兼左僉都御


史往宣大整飭兵糧

夜月犯氐宿

國權

弘治十年

七





壬子夜月犯南斗杓

乙酉夜月食

辛卯邊警禁京城訛言

壬辰定文官贈廕祭葬例

乙未贛州及上猶縣地震

己亥寧王觀鈞薨年四十九謚曰康

賜平江伯陳瑄祠曰恭襄

七月癸卯遼府沅陵王恩鍾薨年三十八謚宣穆

太僕寺少卿張九功卒陝州人成化十四年進士授給事中

乙巳泰寧福餘以下患不入貢命署都指揮同知王杲駐永

平游擊將軍白琮分守燕河營發游兵三千駐建昌留薊子

等京操兵暫駐永平又都督楊玉以兵京三千駐永平備下

丙午吏部郎中儲燿為太僕寺少卿


大同告急暫免軍士採青

丁未南京右通政焦芳改太僕寺少卿

辛亥 英廟成妃張氏薨謚恭僖

福建興化大風拔木

癸丑中府都督同知王清封崇善伯世爵錦衣衛指揮使王



濬為右府右都督二人皆 皇太后之弟

設遷曰昔劉吉阻封張氏欲盡爵周王二家子弟 孝皇  
嘆焉其後王氏果盡爵張延齡得並封退奸之勇納諫之  
公蓋兼之矣

增廣高惠潮肇慶捕盜通判

丙辰南京工部尚書侯瓚致仕

已未設貴州鎮遠縣流官原鎮遠金容金達長官司土官何  
礪得罪論死

乙丑曉刻月犯井宿

丙寅太原譙樓獸吻忽出青白烟高二尺餘匝月乃散


丁卯曉刻月犯鬼宿

八月辛未兩廣總督右都御史鄧廷瓚為左都御史搃督漕運  
左副都御史李蕙為右都御史南京刑部右侍郎蕭楨為南  
京工部尚書巡撫陝西右副都御史許進為戶部右侍郎廷  
瓚蕙仍搃督

太常寺丞馮宗遠為少卿

甲戌南京金星晝見

乙亥巡撫山東右僉都御史熊翀改陝西進左副都御史順



天府尹張玉為右副都御史巡撫遼東

傳陞太常寺典簿趙繼宗協律郎王福廣為寺丞道士

戊寅浙江右布政司張憲為順天府尹

己卯何鑑服除補右副都御史巡撫山東

庚辰賑鄧州水災

辛巳夜月犯壘壁陣四星

壬午南京壽星見

癸未金星晝見

癸巳昏刻南京客星見天廡星旁

九月辛丑提督京通倉場戶部左侍郎王繼秩滿進尚書

癸卯卜數入陝西鎮番衛

乙巳賑濟兗青登萊水災蓬萊黃縣大疫

昏刻月犯建星

大星隕于永平天鳴


南城人萬軌販海客暹羅以通事屢入京乞還里仍役京師  
命原籍冠帶閑住

丁未前巡撫遼東右副都御史彭誼卒東莞人貢士授工部  
司務嘗抗論尚書曲直遷御史治水平盜歷右僉都御史提

國權

弘治十年

十



督紫荆等関忤權左遷紹興守多惠政後撫遠數逐年建立  
多可法早退家居二十餘年好古博學臨事敢斷

巳酉魯府安邱王當遂母喪乞廬墓止之

祀漢北地王謀于昭烈廟側巡按御史華榮言之

壬子兵部馬文升子玠為徽王所奏擬絞宥之

暹羅國王國隆勅刺略坤息利尤地亞入貢表不能譯徵廣

東人增暹羅館通事

戊午減光祿寺供用品物

庚申旱災免延安慶陽夏稅

辛酉先是盜據思明之上石下石復言知府黃道事聞下該

總督議

乙丑卜犯宣府

昏刻土星犯壘壁西星

丙寅曲阜妖人孔布事急攻入定遠

卜入莊浪紅城子堡

十月庚午賑成都水災


青神知縣楊燧水死給葬

辛未免九江衛屯租

國權

弘治十年

土



曉刺金星犯左執法

壬申錄于冕子允忠世杭州衛副千戶冕陳先臣謙軍功冕  
亡子嗣新安衛千戶明次子允忠

萊州星隕天鳴

癸酉延安慶陽災傷命陝西河南山西開納贖罪

復太山西行太僕寺丞

甲戌南京侍讀學士曾彥致仕

巡撫應天右副都御史朱瑄予告

江西左布政使祁順卒順 人天順庚辰進士授兵部主

事歷戶部郎中成化乙未使朝鮮學問談博沒無餘貲

永平地震如雷夜月犯羅堰下星

丙子改湖廣按察水利僉事為上荆南兵脩道

丁丑暫免宣府軍士採青

前禮部左侍郎楊宣卒直隸新城人景泰五年進士

戊寅晉府交城王鍾毓薨年六十一謚莊僖


己卯指揮僉事沐崑嗣黔國公總兵鎮守雲南

永平地復震

庚辰易州山廠工部右侍郎彭禮為右副都御史巡撫蘇松

國權 弘治十年

十一



常鎮兼理糧儲

壬子鬻兩淮鹽九十萬引供餉宣府

夜月犯天因南星

乙酉侍讀馬廷用為南京侍讀學士

起左都御史王越總制甘涼各邊兼巡撫進太子太保召巡

撫甘肅右副都御史吳珉

夜月犯天闕星

丙戌立揚州江口關

丁亥旱災免順天田租有差

戊子賜真人王應椅陳應循劉良輔陳宗然誥印

夜月犯鬼宿

己丑故少保吏部尚書謹身殿大學士王文贈太保謚毅愍

辛卯選禁兵

十一月戊戌南京禮部尚書童軒致仕

賑成都保寧順慶叙州

庚子土番魯阿黑麻歸哈密忠順王陝巴乞通貢下兵部責

真正番書議陝巴去住

癸卯刑部左侍郎謝綬為南京禮部尚書



甲辰卜前入薊州龍洞谷關

丁未張錦服除仍刑部左侍郎

已酉勅雲南巡撫等協贊黔國公沐崑每事酌議仍諭崑親賢進學毋墜前列

庚戌謫工部主事盛應期雲南安寧駙丞范璋呂合駙丞應期管濟寧等閘璋管衛河舡以南京內臣誣其阻薦新逮獄擬杖還秩特謫之

辛亥太監李廣請預作明年元宵燈節烟火工部待之命減其三之一

甲子傳制封寵沒遼王祐於鄭王見消真邱王祐櫟襄邑王

安瀾邵陵王安瀾棗陽王安瀾東會王安瀾臨湍王彥泥南安王表櫛義寧王奇渲雲邱王誠冽沂陽王秉權永壽王誠涿保安王宸澮宜春王


乙丑設湖廣保康縣隸鄖陽

應天府尹高啟卒崑山人成化八年進士

丙寅進士周壘徐昂熊偉艾洪周昂鄒軒尚衡為給事中

十二月戊辰朔曉刻金星犯東咸星

庚子卜劫赤斤衛部落撫夷百戶劉達擊破之斬九級



壬申先是廣西獍狃流劫化州茂名石城官軍擊斬八級殺

良民凡三千人淫掠亡筭治其罪有差

癸酉脩大同邊垣

乙亥增韶州捕盜通判

己卯慶王寘薨年三十三謚曰恭

定土官陞賞如長官陞宣撫知州陞知府仍故署毋易

庚辰河南左布政使周季麟為右副都御史巡撫甘肅

辛巳安定王干奔入貢

癸未夜月食犯鬼宿

乙酉壽王婚徐氏

戊子李裕中為南京御史

己丑欽天監正吳昊加太常寺少卿


禮部祠祭郎中王雲鳳下錦衣獄雲鳳嘗言事激切不報至

是上視郊牲雲鳳駕後來馬被糾謫陝州知州

庚寅復萬貴妃姪喜錦衣千戶達百戶

癸巳陝西右布政使韓重為應天府尹

增山西寧武關守禦千戶所





國權

弘治十一年戊午

正月戊戌經略大同兵部左侍郎兼左僉都御史李介卒高峒  
人成化五年進士贈尚書

丙午昏刻月犯畢宿

丁未 上南郊

戊申寧夏中衛地震有聲

丁巳兵部右侍郎王宗彞為左侍郎左副都御史楊謚為兵


國權

弘治十一年

一

監官設遷孺木著

國家圖書館, NATIONAL CENTRAL LIBRARY, TAIWAN, R.O.C.



部右侍郎

庚申苗賊犯靖州

辛酉定遠妖人楊潮等伏誅

壬戌翁理蔣昇為南京御史

癸亥右僉都御史陳紀為右副都御史

肅州流星大如室聲如雷良久滅

甲子大理寺左少卿王嵩為右副都御史巡撫延綏

宣城伯衛穎卒

二月丁卯朔寧夏西路地震

己巳南京右僉都御史顧佐為左僉都御史

小王子來六千人入貢許二千人入闕五百人入京

辛未錄湖廣左布政使陶魯功蔭子荆民百戶

甲戌提督鴈門等關右僉都御史侯恂為南京左僉都御史

鎮守貴州右都督王通疾去

丁丑定南京內府庫藏十年科道遺覈

戊寅東寧伯焦俊鎮守貴州


己卯南京大理寺右寺丞魏紳為右僉都御史提督鴈門等

關兼巡撫山西

國權

弘治十一年

二



巡撫遼東右都御史張岫劾免


辛巳旱災免太原平陽澤潞沔去年夏稅

壬午山西左叅政張海卒德州人成化丙戌進士前以兵部左侍郎使哈密

乙酉前南京禮部尚書童軒卒鄱陽人景泰辛未進士授給事中歷太常少卿署欽天監十年致仕弘治初起太常寺卿仍署監轉右副都御史迄尚書清介博覽善詩瀚尤精天學丁亥衛輝地震再震南京壽星見

甲午太常寺卿程敏政侍講學士楊守陞左春坊左諭德李旻洗馬梁儲東宮侍班太常寺少卿李傑焦芳侍讀學士王鏊右諭德王華洗馬楊傑讀侍劉機江瀾白鉞侍講武衛左中允楊廷和張天瑞左贊善費宏直講讀編修吳儼靳貴禮部員外郎周文通大理寺右寺副劉棻俱保直程敏政為詹事王鏊為少詹事


丙申進大學士徐溥少師兼太子太師華蓋殿大學士劉健少傅兼太子太傅戶部尚書謹身殿大學士李東陽太子少保禮部尚書兼文淵閣大學士謝遷太子少保兵部尚書兼



東閣大學士太子太保兵部尚書馬文升進少傅兼太子太  
傅太子太保吏部尚書屠滸進太子太傅太子少保刑部尚  
書白昂進太子太保戶部尚書周經禮部尚書徐瓊工部尚  
書徐貫左都御史閔珪俱進太子少保  
進太師英國公張懋柱國太保新寧伯譚祐平江伯陳銳俱  
太傅太子太保遂安伯陳韶成山伯王鏞俱太子太傅寧晉  
伯劉福太子太保

湖廣左布政使陶魯卒字自強鬱林人父成殉處州賊廕魯  
新會縣丞韓雍檄討賊選銳五百人戰無不克歷湖廣左布  
政使專沉謀能斷不專武健先後督府韓雍鄧廷瓚皆倚成  
功撫治兩廣凡四十年行兵、不先知或先半載調械餉多  
疑兵調發多寡無常數惟檄而署曰某封某日某時發及發  
乃知進兵即數路如期進賊亦不及備而殪嘗宴客樽俎未  
撤捷已至坐客驚駭諸蠻仇之毀先墓戕其宗遂僞南海魯  
欲開高州水道通肇慶坐忌不果捕賊二萬一千四百有奇  
脫男婦十三萬七千有奇子荆民世錦衣衛副千戶

設遷曰陶魯之才長于行間其用兵不以衆而以寡選十  
萬之衆得百鈞之士五百人讐制諸蠻威行南徼其起家



任子耳非韓襄毅拔之汨沒斗食終無以自見矣同肯吾  
邑孫璋布衣薦授 丞亦值襄毅討賊累功歷山東左  
叅政個儻非常之倫必格外相賞世之為陶魯孫璋當不  
乏也誰為襄毅其人哉憶

三月己亥 皇太子出閣就學

辛丑旱災免西安延安去年田租

壬寅夜月犯天闕星

甲辰崇信伯費淮卒

乙巳卜犯遼東寧遠

夜月犯積尸氣星


丙午卜犯肅州

庚戌守備鮎魚石等關營都知監奉御羅紉縱卒採塞外木  
被殺下紉御史擬戍 上不問徵還

辛亥夜月犯亢宿

甲寅故代府武邑王聰沐薨聰沐嘗有罪奪爵年三十五謚  
懷隱後追封代王謚曰思

乙卯定內外官朝見藩王禮凡郡王親王同城朝使止朝親  
王各城則朝郡王外官亦然其朝謁稱官不稱臣



癸亥詹事府程敏政為禮部右侍郎仍兼翰林院學士掌詹事府

四月戊辰壽州及汝陽各冰雹

福建興化大雨水壞居人亡筭

庚午巡撫順天右副都御史張淮卒襄城人成化五年進士史

甲戌旱災免淮安徐邳去年夏稅

庚辰福建左布政使洪鍾為右副都御史整飭薊州邊備兼

巡撫順天

辛巳曉刻雨土

癸未遼府松滋王豪聖薨年六十六謚靖簡

前巡撫四川右僉都御史邱鼐卒貴溪人景泰五年進士

丙戌南京工部右侍郎徐恪致仕

丁亥吏部右侍郎秦民悅服除改左副都御史

己丑南京木星晝見

壬辰寧夏地震

癸巳巡撫湖廣右副都御史沈暉為南京工部右侍郎


五月丁酉浙江左布政使閻仲宇為右副都御史巡撫湖廣

己亥英國公張懋等吏部尚書屠濬等言頃歲脩壽安欽安

國權

弘治十一年

六



宮立毓秀亭脩神樂觀太倉城樓及外戚賜宅近又興濟縣  
建真武祠三軍壯氣耗于轉輸之勤萬民膏血浪為土木之  
飾又造織金練粧閃色諸羅段紗絨價不下百萬奇巧靡麗  
皆宜停止 上納之

庚子寧夏地震

辛丑鎮守遼東太監任良等奏廣寧邊牆以磚易土庶堅久  
從之

壬寅襄城伯李黼卒

甲辰戶部尚書周經以浙鹽二萬引付太監韓義麥秀織羅

段勞民費財有旨令歲外第歲給五千引

乙巳卜伯顏猛可等入貢

旌晉府鎮國將軍鍾鈇孝行

丁未巡撫甘肅右副都御史吳珉回南院


戊申卜數百騎近肅州右叅將楊翥追至黑山兵備副使李

吳合戰再敗之斬四級

夜月犯鍵閉星復犯怪星

辛亥故武邑王聰深子俊杖襲封代王

壬子監盜入夏邑縣殺典史劉灝



乙卯復衍聖公弘緒冠帶閑住

寧夏地震有聲

己未肅州天鼓鳴

庚申鄭府宜章王見刈薨年二十三謚懷順

岷府黎山王膺鈐薨年四十二謚安懿

曉刻月犯天囷西星

辛酉雨雹

乙丑衛璋嗣宣武伯衛穎之子

六月戊辰卜數卜宣府獨石馬營

前南京戶部左侍郎李益卒長安人景泰五年進士

癸酉卜犯古浪莊浪永昌山丹

乙亥貴州旱大火

丙子桂林周道興園地陷九穴

松江嘉興潮溢

丁丑前右僉都御史魏富改南京大理寺左少卿

己卯夜月食


庚辰秦王誠泳薨年四十一性孝友恭慎好學工詩作正學

書院蠲租所著小鳴稿世德錄謚曰簡

國權

弘治十一年

八





命訪故翰林學士沈度孫世隆授制勅房中書舍人 上好  
度書

辛巳蘇州歲祀宋儒魏了翁于鶴山書院

己丑遼府宜城王豪於薨年 十 謚榮僖

庚寅前鎮守貴州都督僉事彭倫卒

壬辰曉刻月犯井宿

七月辛丑 犯宣府

定通政司五月至七月引奏五事餘月日七事

壬寅增瑞州通判捕盜

癸卯肅州衛天鼓鳴夜月犯東咸星

己酉總制太子太保右都御史王越襲寇賀蘭山後 自寧

夏分道延綏副總兵都指揮同知彭清朱瑾兵二千出南路

寧夏鎮守太監張佃總兵官都督同知李俊兵二千出中路


副總兵都指揮使張安監槍右監丞郝二千出北路張 善兵

安郝善分二哨北哨行五十里至花果園擊斬 十二級南哨

至蒲草溝 棄畜產而遁擊斬七人合兵至大把都斬十級

薄暮斬十一級是役也安善功最進越少保廉太子太傅餘

陞賞有差




費柱嗣崇信伯費淮之子

壬子管河工部負外郎謝緝言黃河一支引沁水入運河出  
徐州小浮橋比來河決從歸德勢將牽沁水俱南徐呂二洪  
必涸宜隄歸德決處過河入徐仍行管河官于沁水滌于因  
潰不令黃河泛引而他流廣水道深廣便漕命下所司經度  
癸丑南京天鳴  
丙辰太原地震  
丁巳卜入密雲古北口  
庚申夜月犯天鐸星

辛酉直閣太僕寺少卿姜立綱瑞安人幼能書肄翰林院授  
中書舍人書法重一時賜祭葬

壬戌祀宋慈光皇后楊氏于廣州及丞相陸秀夫先是右布  
政使劉大夏立厓山大忠祠新會知會沈章又言之

南京浙江道御史萬祥言兩廣賊不難于征惟難于守往年  
征進賊聞風先走及軍到巢草深糧盡才聞軍退賊即行劫  
今欲成功當先蓄糧九月霜降刻期進取明年二月將賊村  
牛穀種立軍充餉且耕且守過來秋霜降仍復行事三年之  
後可無後患下兵部從之



大同雷電壞稼

癸亥大學士徐溥致仕

八月甲子朔卜犯遼東寧遠守備遠指揮王臣追至分水嶺敗之

丙寅前總督兩廣右都御史宋旻平淳安人景泰二年進士性清約非治劇之才

宣府保安衛地震

丁卯設廣東新寧縣隸廣州

壬申台州天鳴

甲戌盜劫桃源縣

乙亥夜月犯奎宿

戊寅萬全都司帶俸都督僉卒江山卒浙江西安人樂陵妖僧洪海以迷藥殺人伏誅

癸未賑祥符河災

甲申木星晝見

乙酉曉刻月犯畢宿丁亥夜月犯井宿


己丑南京壽星見

九月甲午朔總制王越請陝巴復王哈密從之

國權

弘治十一年

十一



丁酉昏刺月犯西咸星庚子夜月犯木星

壬寅時右少監莫英太監宋玉劉璟等監督京通倉戶部尚書周經等言生一事則有一事之害增一官則有一官之費上不聽

戊申壽王祐楮之國保寧

己酉 皇女太康公主薨

辛亥卜大入遼東寧遠

南京左僉都御史侯恂右副都御史吳珉爭公辭被劾俱免壬子通政使元守直為禮部左侍郎仍署通政事右通政高

祿為通政使

乙卯檢討張顯范兆祥為涇府左右長使

夜月犯天樽星

己未大理寺左少卿陳瑀為南京左僉都御史

十月丙寅兵部尚書馬文升請止營車工役 上納之

戊辰庶吉士濮韶陳霽葉德賈詠為編脩汪偉王九思劉瑞為檢討陳咨華晁楊褫張弘至徐忱陶諧為給事中顧潛胡


獻陳琳為試御史

南京戶部尚書秦紘致仕

國權

弘治十一年

七



庚午戶部左侍郎劉大夏致仕

前左通政使張璞卒滑縣人成化十三年進士

辛未昏刻金星犯天江星

壬申曉刻大星自東北流至東南有小星數十隨之

甲戌夜乾清坤寧宮災

乙亥曉刻遣諭閣臣火災朕侍 太皇太后徹旦不寐欲暫

免朝可乎時劉健往西山李東陽謝遷對如旨乃免朝

丙子大學士劉健等言災異頻仍大火尤甚或以齋醮祈禱  
為弭災此邪妄褻天或以縱囚釋罪為脩德此姑息長惡向

來奸佞熒惑聖聰今進賢斥奸明示賞罰當行之事斷在不  
疑毋更回循以貽後患 上納之


太監李廣自殺廣以方術幸時萬歲山立毓秀亭謂禁忌及  
公主殤清寧災 太皇太后怒廣懼飲鴆死

丁丑戶部右侍郎許進為左侍郎總督南京糧儲右副都御  
史李東陽為戶部右侍郎

戊寅南京吏部右侍郎梁璟為南京戶部尚書

庚辰曉刻月犯天關星

辛巳侍讀學士楊守卮為南京吏部左侍郎



刑科都給事中張朝用等劾內官監太監李廣招權納賄之  
罪御史邱天祐等亦言之命指定以聞

金星晝見

夜月犯鬼宿

癸未巡撫雲南貴州右副都御史張誥張廉俱劾罷巡撫寧  
夏右僉都御史張禎叔調遼東苑馬寺少卿

司設監太監蔡昭請李廣祭墓祠額許之閣臣言其不可命  
止予祭

設遷曰 英宗悟王振之敗而仍祠之 孝宗知李廣之

汰而仍祭之覆轍已著猶邀殊典况夫溺寵未改欲冀日  
月之明得乎哉

江西左布政使陳瑗為右副都御史總督南京糧儲


乙酉初中使至李廣私第得其賄籍其餉黃米若干石某白  
米若干石 上曰妄耳吾嘗至廣第庾中粟不至是左右為  
言金銀隱語也 上怒中外不得其籍多臆指未報吏部負  
外張綵請按籍治罪大臣許自免章下所司

設遷曰黃白之說其弊不知所始搢紳習久恬不自報嘗  
見貢俸若干貢役若干名在當事直曰例固爾也嗚呼

國權

弘治十一年

古



毛玠胡威之風邈矣酌貪泉而見金夫獨嗙彼佞闇何哉

丙戌荆府都昌王祐鳩薨年十九謚悼僖

丁亥諭脩省求直言

罷寧夏總兵官都督同知李俊延綏總兵官都督僉事陳輝  
宣府總兵官署都督僉事阮興

免明年元夕烟火


夜月犯內屏星

戊子河南山東左布政使王珣李士實巡撫山東右僉都御  
史錢鉞並右副都御史珣士實鉞巡撫寧夏雲南貴州

早免免順天廣平順德河間保定夏稅有差

辛卯遣勳臣告災于天地廟社山川

翰林編修羅玘言李廣賄籍是宜悉置之法痛斷根株為將  
來戒然其間或部寺之尊或將帥之寄天下望以丙魏姚宋  
方召衛霍一旦指其名而暴其惡則雖寔有丙魏姚宋之徒  
方召衛霍之輩彼亦不復信矣此大可憂也乞陛下免言  
官指名惟諭之各自稱疾引退或京察黜數十人陽若不知  
陰加重譴章下所司時言官指黨賄攻保國公朱暉恭順侯  
吳鑑豐城侯李壘遂安伯陳詔成山伯王鏞寧晉伯劉福都



督孫貴副總兵朱瑾尚書屠滂周經徐瓊白昂徐貫侍郎程  
敏政王宗彞史琳林鳳都御史王越李蕙彭禮錢鉞陳瑗劉  
憲通政叅議姜清太常寺卿崔志端李溫少卿李傑布自雲  
寺丞王福廣太僕少卿宋琮少卿楊瑛署通政司侍郎元守  
直署鴻臚寺少卿賈斌光祿寺少卿趙珙順天府丞簡琦南  
京戶部侍郎鄭紀太常寺卿呂憲通政使徐說少卿魏富祭  
酒劉震太常寺丞黃輔政河南左右叅政張琬李瓚山東右  
叅政謝文 按察使趙鶴齡副使田瀚鄧光輔 上雖不問  
而諸臣震恐夜求解于壽寧侯張鶴齡月下俄頃輿集者十

三人傳笑中外羅玘疏入南京 科給事中楊廉以玘嘗客


太監蕭敬所故市諂報聞

壬辰右副都御史陳紀予告

錦衣衛指揮僉事周玉樂工劉寔等下錦衣獄玉厨役俱媚  
李廣通賄

是月復徵檢討陳獻章中書舍人王汝：距京五十里卒于  
舟汝禘曾孫稌之子成化戊戌進士謝病歸讀書不仕鄉人  
稱齊山先生年五十七

十一月癸巳左府都督僉事莊鑑鎮守宣府福建都指揮僉事





房驥為署都督僉事鎮守寧夏  
都督僉事鎮守寧夏

乙未曉刻大星犯亢宿

丙申刑部左侍郎張錦予告

己亥周王同鏡薨年五十一謚曰惠

壬寅江西布政使右叅議孫儒分守廣東嶺北懼盜引疾輒  
行削籍

甲辰夜月犯天囷星


丁未夜月犯六諸王星

戊申刑部右侍郎屠勳為左侍郎巡撫河南左副都御史陳  
道為刑部右侍郎

夜月犯井宿鉞星

壬子四川左布政使鄭齡為右副都御史巡撫河南

英國公張懋等吏部尚書屠滹等應詔上三十四事議受封  
惜名器定冊封裁冗員清監法革冗官省工作罷織造禁奢  
靡革濫設正贓犯防奸偽止齋醮遵舊制節位用省供給禁  
暴害蘇民困明禁例惜漕卒獎恬退均民差恤官軍便商稅  
停派辦添監收禁通事閔囚徒祛民害禁科斂省差官復舊



例省濫選兼抽分 上納之

暫免陝西織造羊絨蠲歲逋物料

乙卯裁傳陞匠官六十八人

丁巳遼東寧遠衛星隕聲如雷

己未塞河南決口

閏十一月壬戌朔日食

乙丑昏刻月犯壘壁陣西星

丙寅通政司右叅議李浩奏事偶舛被糾不問仍諭通政鴻

臚官奏舛一二字免劾

丁卯旱災免廣潮肇慶今年田租

己巳庶吉士吳舜戴銑為吏兵科給事中

辛未夜月犯天困星

癸酉通政司左通政陳琬為工部右侍郎理易州山廠

乙亥廣西道御史胡獻以劾太監常恭壽侯張鶴齡下獄寧

謫藍山縣丞

丙子大名總兵官都督神英鎮守太監孫振劾免調巡撫左


副都御史劉瓛

丁丑安南國王黎灝卒子暉嗣僭元景統謚灝聖宗淳皇帝

國權

弘治十一年

大



遣陪臣范興文來告哀潘琮請封遂入貢命行人徐鉦往祭

夜月食不應署欽天監太常少卿吳昊等被劾不問

卜犯遼東懿路城

壬午後府都督僉事王壘搃兵鎮兵守大同

癸未陝西左布政使洪漢為右副都御史巡撫大同


後府帶俸都督同知盧深卒

乙酉兵部主事何益春上言八事果聽斷公委任慎選守令

處置巡撫重惜名器存惜貧民草皇庄兼併之弊更軍政清  
解之法章下所司

己丑左府都督僉事鎮守延綏總兵官房驥卒世彭城衛指  
揮使任延綏未赴

十二月壬辰朔總制邊務少保兼太子太傅左都御史王越卒  
字世昌濬縣人景泰辛未進士授御史擢山東按察使右副  
都御史巡撫大同數逐卜至左都御史搗紅鹽池斬三百五  
十餘級進太子少保回院改兵部尚書太子太保同太監汪  
直搗威寧海子功封威寧伯仍署院已署前府提督五軍營  
尋搃兵鎮大同攻延綏直敗被劾褫爵流安陸弘治初釋久  
之起總制越奇邁聰慧御軍能恤下籠罩豪傑皆願為之死



然不復持名檢在西陲偶大雪宴坐地爐使四妓奏琵琶千  
戶某詞卜還召語曰寒矣手金卮飲之復語則益喜命絃琵  
琶侑酒併金卮予之已又語則指最美妓予之自是千戶效  
死力嘗與保國公朱朱以千人巡邊卜猝至主客不當永欲  
死走越止之為陣列自固卜疑未敢前薄矣令騎皆下馬啣  
枚魚貫行毋反顧自率驍勇殿從山後走五十里抵城卜不  
覺明日語永曰我一動卜躡擊無唯類矣結陣示暇形以惑  
之也次第而行且下馬無軍聲故卜不覺也吾非不自危姑  
矯情鎮耳越真良將才又精吏事判案草奏口占授吏曲當

理情為詩跌宕快爽能道人憶事在院舉御史屠瀟侶鍾楊  
守隨王濬可大用後皆著名

司經局洗馬梁儲兼翰林侍講兵科給事中王禎封往黎暉

安南國王

新野縣地震

癸巳陝西提學副使楊一清為太常寺少卿提督四夷館

己亥前巡撫遼東致仕右副都御史張岫卒安邑人成化二


年進士

庚子巡撫薊州洪鍾議潮河川鑿渠築堰並立外關從之

國權

弘治十一年

二



癸辛丑夜月犯畢宿

丁未裁宣府順聖川叅將

已酉令天下民壯十年編定

夜月犯內屏星


庚戌南京吏部尚書倪岳等上二十四事推行聖學豫節親  
藩懲究欺蔽甦息貧窮脩復常平類解文冊併省重複減省  
供億署掌印信稽核名實均平銓選照例附選滌過名疏  
通鬱滯寬免違限慎用將官減省差遣禁約取索慎重刑獄  
查明禁例申明舊例減造軍器量停造作遵復舊制裁抑侵

剋防草宿弊祛除民病懲戒奸貪章下所司

卜寇遼東長安等堡都指揮劉綱敗死

夜月犯太微垣次相星

壬子詔曰累歲以來災星相仍近者清寧宮之火其變尤甚  
朕心兢懼若切淵冰意人事下乖斯天道上應或舉措違宜  
刑賞靡當斯時弊滋積民隱莫伸或賦役頻繁侵漁太急用  
窮鰥寡日不聊生朕深居九重雖慮周天下而耳目有未逮  
息澤有未宣服念踰時益增悔艾已勅文武群臣同加脩省  
茲特誕敷漁號普及黔黎俾覆幬之區均沾德惠庶慰渴懸



之望永新春祐之休所有寬恤事宜條列于後云々嗚呼虞  
書以好生為德尚體天心夏訓以固本為言必先民事詔告  
天下咸悉朕懷

前刑部吏徐珪以刑部主事陳鳳梧薦授桐鄉縣丞三年轉  
高唐州判官歷贛州府同知

羽林左衛署都指揮使許寧卒江都人正統末禦下自舍人  
官錦衣正千戶襲羽林左衛指揮使累戰功歷鎮延綏大同  
米庄之敗降羽林左衛指揮同知結髮經百十七戰被二十  
七創沉毅稱名將大同之役以代王促戰而敗議者惜之贈

都督僉事


癸丑祠故戶部尚書夏原吉工部尚書周忱于蘇州

甲寅祠故少保大學士楊溥于石首

王獻臣李春顏顧壽黃傳董鑰余廉聶賢閻潔葉永秀喬恕  
蔡中孚王俸耿明彭鳳來王紹李鉞為監察御史


傅制冊封宸濠寧王拱楫瑞昌王宸洵弋陽王祐攢遂昌王  
聰瀉靈邱王成鏃廣寧王陽鏢東阿王奇滂交城王奇瀆慶  
成王


丁巳吏部左侍郎侶鍾為左都御史




國家圖書館, NATIONAL CENTRAL LIBRARY, TAIWAN, R.O.C.

是年命工部郎中陳琦作榮府于常德







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.












國家圖書館, NATIONAL CENTRAL LIBRARY, TAIWAN, R.O.C.




TIFFEN Color Control Patches

© The Tiffen Company, 2007


Blue Cyan Green Yellow Red Magenta White 3/Color Black



國家圖書館, NATIONAL CENTRAL LIBRARY, TAIWAN, R.O.C.









國家圖書館, NATIONAL CENTRAL LIBRARY, TAIWAN, R.O.C.














國家圖書館, NATIONAL CENTRAL LIBRARY, TAIWAN, R.O.C.










國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



3393410 v. 29

國家圖書館, NATIONAL CENTRAL LIBRARY, TAIWAN, R.O.C.







國權

弘治十二年己未

正月己巳右僉都御史顧佐為右副都御史

辛未 上南郊夜月犯井宿

癸酉昏刻月犯鬼宿積尸氣星

甲戌大計降斥千二百五十八人雜職千三百三人

辛巳嘉善大長公主薨 英宗女年五十三

乙酉行人常元慶為山西道御史

國權



弘治十二年

一

監官設遷孺木著



國家圖書館, NATIONAL CENTRAL LIBRARY, TAIWAN, R.O.C.



國子生江瑑以災異詆閣臣杜絕言路妬賢嫉能大學士劉  
健李東陽疏辨下瑑鎮撫獄尋釋之

丁亥卜入涼州

庚寅錢塘人岳華奏先臣岳飛墓侵于僧寺命理之

卜入遼東錦州官軍擊斬百二十五級

二月辛卯朔巡撫大同右僉都御史劉燾改大理寺左少卿  
涼州副總兵都指揮僉事熊岡為署都督僉事總兵官鎮守  
延綏

壬辰旱災免濟南東昌青州去年夏稅

癸巳復安遠侯柳景爵閑住

御史余濂請有司歲一行取從之


丙申大學士李東陽禮部右侍郎程敏政主禮闈

辛丑孛顏等三衛夷入遼東官軍追擊斬百四十九級

癸卯寧夏地震

戊申嚴左道惑眾之禁先是解州吏李寧云桃花洞得聚寶  
盆知州程觀信之事聞俱論死

漕運總兵郭鉉等申引沁水之議曹縣知縣鄒魯駁曰今為  
引沁之說者蓋曰沁水勢緩非河比一入運河則有源之水



不竭不知引沁必先塞沁入黃河口處時沁水無歸勢必欲漫滄廬稼將俟下流通始塞水勢擣虛千里不折不至衝山填壑不已害尤甚黃陵且起木鸞店至飛雲橋地以千里計用夫百萬積十年尚未必成否又曹地西北高東南下兼沙土善崩勢或建瓴而下張秋之鑿不遠矣

己酉周世子安瀕薨年二十一謚榮悼癸亥追封周王

諡曰悼

庚戌遼東官軍追敗三衛夷于寧遠斬四十四級

壬子四川建昌衛地震

乙卯總督漕運右都御史李蕙卒當塗人成化己丑進士才

力優贍晚務和同傳陞損名

陝西寧夏衛天鳴

丁巳戶科給事中華景奏考官程敏政鬻題貢士江陰徐經吳縣唐寅賄得之特命正考官李東陽覆閱至三月二日放榜尋下華景徐經唐寅于獄

戊午文武職旁支襲廢遞降法初武職或疎族贅婿冒廢成化十七年都御史何喬新止許的裔至是兵部稱未便惟遞降如指揮降百戶正千戶降試百戶降冠帶總旗一輩

百戶

後止襲總旗

